

2 января, Праведный Иоанн Кронштадтский, пресвитер

## 2 января, Праведный Иоанн Кронштадтский, пресвитер ВЕЛИКАЯ ВЕЧЕРНЯ (СОКРАЩЕННАЯ)

*По окончании 9-го часа священник произносит начальный возглас:*

Благословен Бог наш всегда, ныне и присно, и во веки веков.

**Чтец:** Аминь.

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

### Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываая водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя дужи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тых птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокия еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взискати от Бога пищу себе. Возсия солнце и собращая и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отвэрзшу Тебе руку всяческая исполнятся благодати, отвращшу же Тебе лице, возьмуться, отымеши дух их, и исчезнут, и в персть свою возвратятся. Послещи Духа Твоего, и сози-

## 2 января, Праведный Иоанн Кронштадтский, пресвитер

ждутся, и обновіши лицѣ землі. Буди слава Господня во веки, возвеселится Господь о дѣлах Своих, призираяй на землю, и творяй ю трястися, прикасайся горам, и дымятся. Воспою Господеву в животѣ моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грѣшницы от землі, и беззаконницы, якоже не быти им. Благослови, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже *(Трижды)*.

### Ектения великая

*Диакон:* Мiром Господу помолимся.

***Лик:*** Господи, помилуй *(на каждое прошение)*.

*Диакон:* О свѣшнем мiре и спасѣнии душ наших, Господу помолимся  
*и прошения по чину.*

*Диакон:* Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

*Лик:* Тебѣ, Господи.

*Священник:* Яко подобает Тебѣ всякая слава, честь и поклонение, Отцу, и Сыну, и Святому Духу, ныне и присно, и во веки веков.

***Лик:*** Аминь.

### Кафизма 1

***Лик:*** Блажен муж, иже не иде на совет нечестивых.

Яко вѣсть Господь путь праведных, и путь нечестивых погибнет./ Аллилуиа, аллилуиа, аллилуиа, слава Тебе Боже.

Работайте Господеву со страхом, и радуйтесь Ему со трепетом./ Аллилуиа, аллилуиа, аллилуиа, слава Тебе Боже.

Блажени вси надеющиися Нань. Воскресни, Господи, спаси мя, Боже мой./ Аллилуиа, аллилуиа, аллилуиа, слава Тебе Боже.

**2 января, Праведный Иоанн Кронштадтский, пресвитер**

**Господне есть спасение, и на людех Твоих благословение Твое./  
Аллилуиа, аллилуиа, аллилуиа, слава Тебе Боже.**

**Слава Отцу и Сыну и Святому Духу, и ныне и присно, и во  
веки веков./ Амѣнь. Аллилуиа, аллилуиа, аллилуиа, слава Тебе  
Боже.**

**Аллилуиа, аллилуиа, аллилуиа, слава Тебе Боже. (Трижды)**

### **Ектенія малая**

**Диакон:** Паки и паки, миром Господу помолимся.

**Лик:** Господи, помилуй.

Заступи, спаси, помилуй и сохрани нас, Боже, Твоею благодатию.

**Лик:** Господи, помилуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

**Лик:** Тебе, Господи.

**Священник:** Яко Твоя держава, и Твое есть царство, и сила, и слава, Отца и Сына и Святаго Духа, ныне, и присно, и во веки веков.

**Лик:** Амѣнь.

### **Стихиры на «Господи, возвах»**

**Канонарх:** Глас 1, Господи, возвах к Тебе, услыши мя.

**Господи, возвах к Тебе, услыши мя./ Услыши мя, Господи.**

**Господи, возвах к Тебе, услыши мя:/ вонми гласу моления  
моего, / внемди возвати ми к Тебе.// Услыши мя, Господи.**

**Да исправится молитва моя,/ яко кадило пред Тобою,/ возде-  
яние руку мою/ – жертва вечерняя.// Услыши мя, Господи.**

### **Предпразднство Рождества Христова на 3**

**На 6, стих:** Аще беззакония узриши, Господи, Господи, кто постоит? /

**Яко у Тебе очищение есть.**

Предпразднуим, лю́дие, Христо́во Рожде́ствó,/ и, возне́сше ум к Вифле́ему, вознесёмся мýслию,/ и усмотрím Дéву душе́вными очесы́,/ идúщую родíти в верте́пе всех Го́спода и Бо́га на́шего./ Егóже Ио́сиф ви́дев чудес вели́чество,/ мня́ше челове́ка зрéти,/ я́ко младе́нца, пелена́ми повива́ема,/ пора́зумевáше же от веще́й Бо́га бы́ти и́стиннаго,/ подаю́щаго душáм на́шим ве́лию мýлость./ Ихже ра́ди нам да́руй очище́ние, // я́ко Челове́колюбец.

*Стих:* Имене ра́ди Твоего́ потерпéх Тя, Го́споди, потерпé душá моя в сло́во Твое́ /

упова́ душá моя на Го́спода.

Предпразднуим, лю́дие, Христо́во Рожде́ствó,/ и, ум возне́сше к Вифле́ему, вознесёмся мýслию,/ и у́зрим в верте́пе ве́лие та́инство:/ отве́рзися бо Еде́м/ от Дéвы Чíстыя Бо́гу происхо́дящу,/ соверше́н Сый тойжде в Божестве́ и челове́честве./ Те́м же воззовём:/ Святы́й Бо́же – О́тче Безнача́льный,/ Святы́й Кре́пкий – Сы́не Воплотíвшийся,/ Святы́й Безсме́ртный – Уте́шительный Ду́ше:// Трóице Свята́я, сла́ва Тебе́.

*На 4, стих:* От стра́жи у́тренняя до но́щи, от стра́жи у́тренняя, /

да упова́ет Изра́иль на Го́спода.

Слы́ши, Не́бо, и внуши́, землэ́:/ се бо Сын и Сло́во Бо́га и Отца́/ прихóдит родíтися от Отрокови́цы Неискусому́жняя/ благово́лением родíвшаго Егó безстра́стно/ и соде́йством Свята́го Ду́ха./ Вифле́еме, гото́вися, отве́рзи врата́, Еде́ме,/ я́ко Сый бы́вает, е́же не бе,/ и Соде́тель всея́ тва́ри назидáется, // пода́й мýру ве́лию мýлость.

св. прав. Иоáнна Кронштадтскаго на 3, Глас 6.

*Стих:* Я́ко у Го́спода мýлость, и мно́гое у Него́ избавле́ние,

**и Той избавит Израиля от всех беззаконий его.**

**Единороднаго Сына Божия возлюбил еси, / и Тому Единому служити возжелел еси, / святе Иоанне, / Емуже вверился еси, глаголя: / жизнь моя во Христе есть. / Сего ради потщался еси / всяко благоугождению Господеви // и мудрствовать, и деяти.**

**На 2, стих:** Хвалите Господа вси языцы, /

**похвалите Его вси людие.**

**Молитвенника теплаго / и благодатнаго пастыря видим тя, отче Иоанне, / мнозем бо людем, к тебе притекающим, / являеши в скорбех утешение, / в недугех многоразличных исцеление, / в нуждах сущим и страждущим / приское вспоможение // и до ныне в чудодействиих не оскудеваеши.**

**Стих:** Яко утвердися милость Его на нас, /

**и истина Господня пребывает во век.**

**Лестницею добродетелей шествуя, / делатель неленостный / вертограда Господня явился еси, отче Иоанне, / от утра жизни даже до последнего часа / добре потрудился еси. / Тако и нас молитвенно укрепил // Господеви работати.**

**Слава, глас 6.**

**Слава Отцу, и Сыну, и Святому Духу.**

**Селения святых наследовал еси, / отче Иоанне праведне, / во свете лица Божия / зриши нужды с верою притекающих к тебе, / коемуждо потребная яже ко спасению подавая. / Сего ради и мы, / на помощь твою уповаяще, молимся: / моли Христа Бога // спастися душам нашим.**

**И ныне, глас 8:**

**И ныне, и присно, и во веки веков. Аминь.**

**2 января, Праведный Иоанн Кронштадтский, пресвитер**

Восприми, Вифлеэме, Божью митрополию,/ Свет бо  
незаходимый в тебе родится приходит./ Ангели, удивитесь на  
Небеси,/ человецы, прославите на земли,/ волсви, от Персиды  
преславный дар принесите,/ пастырие, свиряюще, трисвятое  
пение сладце воспойте:// всякое дыхание да хвалит Вседетеля.

### **Вечерняя песнь Сыну Божию**

Свете Тихий святых славы,/ Безсмертного, Отца Небесного,  
Святого Блаженного, Иисусе Христе./ Пришедше на запад солнца,  
видевше свет вечерний,/ поем Отца, Сына и Святого Духа,  
Бога./ Достойн еси во вся времена/ петь быти гласы преподобными,  
Сыне Божий, живот дай,// темже мир Тя славит.

**Диакон:** Вонмем.

**Священник:** Мир всем.

**Лик:** И духови твоему.

### **Прокимен**

*В четверток вечера, глас 6:*

**Диакон:** Премудрость. Вонмем. Прокимен, глас 6.

Помощь моя от Господа, / сотворшаго небо и землю.

**Лик:** Помощь моя от Господа, / сотворшаго небо и землю.

**Диакон:** Возведох очи мои в горы, отнюдуже придет помощь моя.

**Лик:** Помощь моя от Господа, / сотворшаго небо и землю.

**Диакон:** Помощь моя от Господа, /

**Лик:** сотворшаго небо и землю.

## 2 января, Праведный Иоанн Кронштадтский, пресвитер

В черверг вечера. Глас 6

По-мощь моя от Госпо - да, со-тво-рша-го не - бо и зем - лю.

### Чтение паремий

**Диакон:** Премудрость.

**Чтец:** Пророчества Исаиина чтение

**Диакон:** Вонмем.

**Чтец:** Праведных души в руке Божией, и не прикоснется их мука. Непщевани быша во очесех безумных умерети, и вменися озлобление исход их, и еже от нас шествие сокрушение, они же суть в мире. Ибо пред лицом человеческим аще и муку примут, упование их безсмертия исполнено. И в мале наказани бывше, великими благодетельствовани будут, яко Бог искуси я и обрете их достойны Себе. Яко злато в горниле, искуси их и, яко всеплодие жертвенное, прият я. И во время посещения их возсияют и, яко искры по стоблию, потекут. Судят языком, и обладают людьми, и воцарится Господь в них во веки. Надлежащие Нань разумют истину, и вернии в любви пребудут Ему. Яко благодать и милость в преподобных Его, и посещение во избранных Его.

**Диакон:** Премудрость.

**Чтец:** Премудрости Соломоновы чтение

**Диакон:** Вонмем.

**Чтец:** Праведницы во веки живут, и в Господе мзда их, и попечение их у Вышняго. Сего ради примут Царствие благолепия и венец доброты от руки Господни, зане десницею покрывает я и мышцею защитит их. Примет всеоружие рвение Свои вооружит тварь в месть врагом. Облечется в броня правды и возложит шлем, суд нелицемерен. Примет щит непобедимый, преподобие. Поострит же напрасный гнев во оружие; споборет же с ним мир на безумных. Пойдут праволучныя стрелы молниины и, яко от благокругла лука облаков, на намерение полетят. И от каменометныя ярости исполнь падут грады, вознегодует на них вода морская, реки же потопят я нагло. Спротив станет им дух силы и, яко вихор, развееет их и опустошит всю землю беззаконие, и злодейство превратит престолы сильных. Слышите убо, царие, и разумейте, навикните судий концев земли. Внушите, держащие множества и гордящиеся о народах языков, яко дана есть от Господа держава вам и сила от Вышняго.

## 2 января, Праведный Иоанн Кронштадтский, пресвитер

**Диакон:** Премудрость.

**Чтец:** Премудрости Соломоновы чтение

**Диакон:** Вонмем.

**Чтец:** Праведник, аще постигнет скончаться, в покои будет: старость бо честна не многолетна, ниже в числе лет исчитается. Седина же есть мудрость человеком, и возраст старости житие нескверно. Благоугоден Богу быв, возлюблен бысть, и живый посреде грешник преставлен бысть, восхищен бысть, да не злоба изменит разума его или лесь прельстит душу его. Рачение бо злобы помрачает добрая и парение похоти пременяет ум незлобив. Скончався в мале, исполни лета долга, угодна бо бе Господеви душа его, сего ради потщася от среды лукавствия. Люди же видевше и не разумевше, ниже положивше в помышлении таково, яко благодать и милость в преподобных Его и посещение во избранных Его.

### Сугубая ектения

**Диакон:** Рцем вси от всея души, и от всего помышления нашего рцем.

**Лик:** Господи, помилуй.

**Диакон:** Господи Вседержителю, Боже отец наших, молим Ти ся, услыши и помилуй.

**Лик:** Господи, помилуй.

**Диакон:** Помилуй нас, Боже, по велицей милости Твоей, молим Ти ся, услыши и помилуй.

**Лик:** Господи, помилуй (трижды).

**Священник:** Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Лик:** Аминь.

### Молитва при наступлении вечера

**Лик:** Сподоби, Господи, в вечер сей без греха сохранитися нам./  
Благословен еси, Господи Боже отец наших,/ и хвально и прославлено имя Твое во веки, аминь./

Буди, Господи, милость Твоя на нас, якоже уповахом на Тя./  
Благословен еси, Господи, научи мя оправданием Твоим./  
Благословен еси, Владыко, вразуми мя оправданием Твоим./  
Благословен еси, Святыи, просвети мя оправданием Твоим./

## 2 января, Праведный Иоанн Кронштадтский, пресвитер

Господи, милость Твоя во век, дел руку Твоею не презри./ Тебе подобает хвала. Тебе подобает пение,/ Тебе слава подобает, Отцу и Сыну и Святому Духу, // ныне и присно и во веки веков. Аминь.

### Ектения просительная

*Диакон:* Исполним вечернюю молитву нашу Господеви.

*Лик:* Господи, помилуй.

*Диакон:* Вечера всего совершенна, свята, мирна и безгрешна у Господа просим.

*Лик:* Подай, Господи.

*Диакон:* Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

*Лик:* Тебе, Господи.

*Священник:* Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

*Лик:* Аминь.

*Священник:* Мир всем.

*Лик:* И духови твоему.

*Диакон:* Главы наша Господеви приклоним.

*Лик:* Тебе, Господи.

*Священник:* Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

*Лик:* Аминь.

### Стихиры на стиховне

#### Предпразднство Рождества Христова на 3

*Канонарх:* Глас 2, Се, время приближися спасения нашего, готовися, вертепе:

Се, время приближися спасения нашего, готовися, вертепе:/ Дева приближается, еже родити./ Вифлееме, земле Иудова,/ красуйся и веселися,/ яко из тебе возсия Господь наш./ Услышите, горы, и холми,/ и окрестныя страны Иудейския,/ яко грядет

Христос,/ да спасёт, егѡже создá, челове́ка,// я́ко Человеколю́-  
бец.

*Стих:* Бог от ю́га приидет/ и Святы́й из горы́ приосенённыя ча́-  
щи.

Вифле́еме, землѣ Иүдова,/ е́же по плѡти жительство,/ свѣтло уго-  
тѡви Божѣственный верте́п,/ в нёмже Бог плѡтию ражда́ется/ от  
Неискусомүжныя Святы́я Дѣвы,// во е́же спасти́ род наш.

*Стих:* Гѡсподи, услы́шах слух Твой и убоя́хся,/ Гѡсподи, разу-  
мѣх дела́ Твоя́ и ужасѡхся.

Приидите́ вси, Христѡво Рождество́ вѣрно предпра́зднуим/ и,  
мы́сленне пѣние, я́ко звездү, предлага́юще,/ волхво́в славос-  
лѡвья с па́стырьми возопи́м:/ прииде́ Спасѣние челове́ком из  
дѣвственных ложесн,// вѣрныя воззываетъ.

*Слава, глас 8:*

Сла́ва Отцү, и Сы́ну, и Свято́му Дүху

Еди́ному Бо́гу любѡвию прилепля́ясь, свя́те Иоáнне,/ прѣсно  
попечѣние о стра́ждущих и отвѣрженных имѣя,/ ско́рый помощ-  
ник тем яви́лся еси́,/ сегѡ ра́ди си́ла благодáти Бѡжия/ содеваетъ  
тобою́ вѣлия чудеса́,// обраща́я неверных к вѣре во Христа́ и к  
жизни во сла́ву Бѡжию.

*И ныне, глас 1:*

и ны́не, и прѣсно, и во вѣки веко́в. Ами́нь.

Предпра́зднуим, лю́дие, Христѡво Рождество́,/ и, возне́сше ум к  
Вифле́ему,/ вознесѣмся мы́слию,/ и усмо́трим Дѣву душе́вными  
очесы́,/ идүщую роди́ти в верте́пе всех Гѡспода и Бо́га на́шего,  
Егѡже Иѡсиф ви́дев чудес вѣличество,/ мня́ше челове́ка зрѣти,  
я́ко младенца, пелена́ми повивáема,/ поразумевáше же от вещей

**2 января, Праведный Иоанн Кронштадтский, пресвитер**

**Бо́га бы́ти и́стиннаго, // подаю́щаго ду́шам на́шим ве́лию ми́лость.**

**Молитва святого Симеона Богоприимца**

**Лик:** **Ны́не отпу́щаеши раба́ Твоего́, Влады́ко, / по глаго́лу Твоему́ с ми́ром: / я́ко ви́деста о́чи мой спасе́ние Твое́, / е́же еси́ уго́товал пред лице́м всех люде́й, / свет во открове́ние язы́ков, // и сла́ву люде́й Твои́х Изра́иля.**

**Чтец:** **Святы́й Бо́же, Святы́й Кре́пкий, Святы́й Безсме́ртный, поми́луй нас (трижды).**

**Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь. Пресвята́я Трои́це, поми́луй нас; Го́споди, очисти́ грехи́ на́ша; Влады́ко, прости́ беззаконі́я на́ша; Святы́й, посети́ и исцели́ немо́щи на́ша, имене́ Твоего́ ра́ди.**

**Го́споди, поми́луй (трижды).**

**Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь. О́тче наш, И́же еси́ на Небесе́х! Да святі́тся и́мя Твое́, да при́дет Ца́рствие Твое́, да бу́дет во́ля Твоя́, я́ко на Небеси́, и на землі. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должни́ком на́шим; и не введи́ нас во искуше́ние, но изба́ви нас от лука́ваго.**

**Священник:** **Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го Ду́ха, ны́не и прісно, и во ве́ки веко́в.**

**Лик:** **Ами́нь.**

**Тропари**

**Тропарь св. прав. Иоанна Кронштадтскаго, глас 1:**

**Правосла́вныя ве́ры поборо́ниче, / земли́ Росси́йскаго печа́льниче, / па́стырем пра́вило и о́бразе ве́рным, / пока́яния и жи́зни во Христе́ пропове́дниче, / Божество́нных Та́ин благоговейный служи́телю / и дерзнове́нный о лю́дех моли́твенниче, / о́тче пра́ведный Иоа́нне, / цели́телю и предивный чудотворче, / гра́ду Крон-**

**2 января, Праведный Иоанн Кронштадтский, пресвитер**

штáдту похвалó/ и Цёркве нáшея украшéние,/ моли́ всеблагáго  
Бóга// умирíти мир и спасти́ дúши нáша.

Слáва Отцú, и Сýну, и Святóму Дúху, и нýне, и прýсно, и во  
вéки векóв. Амíнь.

**Тропáрь предпразднства Рождествá Христова, глас 4:**

Готóвися, Вифлеéме,/ отвéрзися всем, Едéме,/ красúйся,  
Евфрафо,/ я́ко дрéво животá в вертéпе процветé от Дéвы:/ рай  
бо Óноя чрэво яв́ися мýсленный,/ в нёмже Божéственный сад,  
от негóже я́дше, ж́иви бúдем,/ не я́коже Ада́м у́мрем.// Христóс  
раждáется прéжде пáдший возстáвити óбраз.

**Диакон:** Премúдрость.

**Лик:** Благословí.

**Священник:** Сый благословéн Христóс Бог наш, всегда́, нýне и прýсно и во вéки  
векóв.

**Лик:** Амíнь. Утверди́, Бóже,/ святúю правослáвную вéру, пра-  
вослáвных христиáн/ во век вéка.

**Священник:** Пресвятáя Богорóдице, спасí нас.

**Лик:** Честнéйшую Херув́им и слáвнейшую без сравнéния Сера-  
ф́им, без истлéния Бóга Сло́ва рóждшую, сýщую Богорóдицу Тя  
величáем.

**Священник:** Слáва Тебé, Христé Бóже, уповáние нáше, слáва Тебé.

**Лик:** Слáва Отцú и Сýну и Святóму Дúху, и нýне и прýсно и во  
вéки векóв. Амíнь. Гóсподи, помíлуй (*трижды*). Благословí.  
(или ....Влыдыко, благослови)

**Священник глаголет Отпуст**

## **2 января, Праведный Иоáнн Кронштадтский, пресвитер**

Христóс Ёстинный Бог наш, моли́твами Пречи́стыя Своея́ Ма́тере, предста́тельства честны́х Небёсных Сил Безплóтных: святы́х сла́вных и всехва́льных Апóстол, свт. Николая, архиепископа Мир Ликийских, Чудотворца, прор. Авваку́ма, святы́х пра́ведных Богоотéц Иоакима и А́нны, и всех святы́х, поми́лует и спасёт нас, я́ко Благ и Человеколю́бец.

### **Многолетие**

***Лик:* Вели́каго господина и отца́ на́шего Кири́лла,/ Святёйшаго Патри́арха Москóвскаго и всея́ Рýси,/ богохрани́мую страну́ на́шу Росси́йскую,/ настоя́теля, бра́тию и прихо́жан свята́го хра́ма сегó,/ и вся правосла́вныя христи́аны,/ Го́споди, сохрани́ их на мно́гая léта.**